

ლანჩხუთის მუნიციპალიტეტის საკრებულოს
ფრაქცია „ქართული ოცნება-დემოკრატიული საქართველოს“
სხდომის ოქმი №1

ქ. ლანჩხუთი

22.01.2019 წელი

სხდომას ესწრებოდა: ფრაქცია „ქართული ოცნება-დემოკრატიული საქართველოს“ თავმჯდომარე ბესიკ კუპრაძე

ფრაქციის წევრები:

ბესიკ ტაბიძე, ვლადიმერ ნანაძე, ზაალ სანაძე, კახა ბოლქვაძე, დავით ჩხარტიშვილი, რეზო კვაჭაძე, გოდერძი ქურიძე, ციცილო ჩხაიძე, გიორგი გვარჯალაძე,

მოწვეული პირები: ლანჩხუთის მუნიციპალიტეტის მერი ალექსანდრე სარიშვილი, ლანჩხუთის მუნიციპალიტეტის მერიის სოციალური და ჯანდაცვის სამსახურის მთავარი სპეციალისტი ლელა ცინცაძე, ლანჩხუთის მუნიციპალიტეტის მერიის განათლების, კულტურის, სპორტისა და ახალგაზრდულ საქმეთა სამსახურის უფროსი ია ჩხაიძე.

ფრაქციის თავმჯდომარემ, ბესიკ კუპრაძემ სხდომას გააცნო დღის წესრიგის პროექტი:

1. „ლანჩხუთის მუნიციპალიტეტის 2019 წლის ბიუჯეტიდან სოციალური დახმარების გაცემისა და მიღების წესის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვის თაობაზე.

/ მომხსენებელი: ბესიკ კუპრაძე/

2. „ლანჩხუთის მუნიციპალიტეტის 2019 წლის სოციალური პროგრამების დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.

/ მომხსენებელი: ბესიკ კუპრაძე/

3. „ლანჩხუთის მუნიციპალიტეტის 2019 წლის სოციალურ-კულტურული ღონისძიებების-განათლების ხელშეწყობის, კულტურის ღონისძიებების, სპორტული ღონისძიებების და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის დამტკიცების შესახებ.

/ მომხსენებელი: ბესიკ კუპრაძე/

4. „ლანჩხუთის მუნიციპალიტეტის 2019 წლის სოციალურ-კულტურული ღონისძიებების-განათლების ხელშეწყობის; კულტურის ღონისძიებების; სპორტული ღონისძიებების და ახალგაზრდობის მხარდაჭერის პროგრამების დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.

/ მომხსენებელი: ბესიკ კუპრაძე/

5. სხვადასხვა

**ფრაქციის თავმჯდომარემ ბესიკ კუპრაძემ კენჭი უყარა დღის წესრიგის პროექტს:
მომხრე 10, წინააღმდეგი არცერთი**

დღის წესრიგის პირველი საკითხი „ლანჩხუთის მუნიციპალიტეტის 2019 წლის ბიუჯეტიდან სოციალური დახმარების გაცემისა და მიღების წესის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტი სხდომას გააცნო ლანჩხუთის მუნიციპალიტეტის მერიის სოციალური და ჯანდაცვის სამსახურის მთავარი სპეციალისტი **ლელა ცინცაძემ**, მან აღნიშნა, რომ წინამდებარე წესი აწესრიგებს ლანჩხუთის მუნიციპალიტეტის 2019 წლის ბიუჯეტიდან „სოციალური დაცვის“ მუხლში გათვალისწინებული სოციალური დახმარებების დანიშვნასთან და გაცემასთან დაკავშირებულ ურთიერთობებს, განსაზღვრავს სოციალური დახმარებების დანიშვნასა და გაცემაზე უფლებამოსილ უწყებას, ადგენს სოციალური დახმარების სახეებს, მათი დანიშვნისა და გაცემის ძირითად სახელმძღვანელო პრინციპებს.

ლანჩხუთის მუნიციპალიტეტის ბიუჯეტიდან გაცემას ექვემდებარება შემდეგი ფულადი სოციალური დახმარებები: მზრუნველობამოკლებულთა უფასო კვებით უზრუნველყოფის პროგრამა; მრავალშვილიანი ოჯახების დახმარების პროგრამა; მძიმე საცხოვრებელ პირობებში მყოფი ოჯახების დროებითი თავშესაფრით უზრუნველყოფის პროგრამა; ომის მონაწილე ვეტერანებისა და მათი ოჯახების დახმარების პროგრამა; მოსწავლეთა ტრანსპორტირების პროგრამა; ცენტრ „იავნანას“ თანადაფინანსების პროგრამა; ბიკარბონატული ჰემოდიალიზით თირკმლის ქრონიკული უკმარისობით დაავადებულთა სამედიცინო დაწესებულებაში ტრანსპორტირების პროგრამა; იძულებით გადაადგილებულ პირთა დახმარების პროგრამა; სამკურნალო და საოპერაციო ხარჯებით დახმარების პროგრამა; მძიმე საცხოვრებელ პირობებში, უბედური შემთხვევისა და სტიქიური მოვლენების შედეგად დაზარალებული ოჯახებისათვის ერთჯერადი დახმარების პროგრამა; ლანჩხუთის რეგიონალური ორგანიზაციის „გამარჯვებულ ქალთა კლუბის“ სარეაბილიტაციო პროგრამა ძუძუს კიბოს დიაგნოზით ნაოპერაციები ქალებისათვის; ხანდაზმულ (100 და მეტი წლის ასაკის) პირთა დახმარების პროგრამა; უპატრონო მიცვალებულთა სარიტუალო მომსახურების პროგრამა; ერთჯერადი სოციალური (ფულადი) დახმარების პროგრამა; მედიკამენტების შეძენაზე დახმარების პროგრამა; შშმ პირის სტატუსის მქონე ბენეფიციართა სარეაბილიტაციო კურსის დაფინანსების პროგრამა.

ბენეფიციარის მიერ სოციალური დახმარების დასანიშნად ან მისაღებად საჭირო დოკუმენტაციის წარდგენა:

1. სოციალური დახმარების დასანიშნად ან მისაღებად დაინტერესებული პირი წერილობითი განცხადებით მიმართავს და შესაბამის დოკუმენტაციას წარუდგენს ლანჩხუთის მუნიციპალიტეტის

მერს, რომელიც იღებს გადაწყვეტილებას დახმარების დანიშვნის ან მიღების თაობაზე მარტივი ადმინისტრაციული წარმოების დაწყების შესახებ.

2. მერიაში შემოსული ყველა განცხადება თანდართული დოკუმენტაციით შესასწავლად ეგზავნება შესაბამის სამსახურს.

3. მერიის შესაბამისი სამსახური უზრუნველყოფს სოციალური დახმარების მიღების თაობაზე საკითხის განსახილველად მომზადებასა და გადაწყვეტილების მისაღებად საჭირო სხვა პროცედურების განხორციელებას.

4. მაღალმთიან სოფლებში მცხოვრებ მოსწავლეთა ტრანსპორტით მომსახურების პროგრამის ფარგლებში, ა(ა)იპ ლანჩხუთის წმინდა იოანე ნათლისმცემლის სახელობის სასულიერო გიმნაზიის მიერ მოწოდებული ინფორმაციის საფუძველზე. პროგრამის განხორციელების აუცილებლობას შეისწავლის მერიის შესაბამისი სამსახური და დასკვნას წარუდგენს მუნიციპალიტეტის მერს.

კონკრეტული სოციალური პროგრამიდან დახმარების დასანიშნად ან მისაღებად დაინტერესებულმა პირმა განცხადებას უნდა დაურთოს შემდეგი დოკუმენტაცია:

ა) მზრუნველობამოკლებულთა უფასო კვებით უზრუნველყოფის პროგრამა – განცხადება, პირადობის მოწმობის ან პასპორტის ასლი, სამოქალაქო რეესტრის სააგენტოდან საინფორმაციო ბარათი, ცნობა სოციალური სააგენტოდან, რომ არის სოციალურად დაუცველი და შეზღუდული შესაძლებლობების მქონე.

ბ) მრავალშვილიანი ოჯახების დახმარების პროგრამა – განცხადება, მშობლების პირადობის მოწმობის ან პასპორტის ასლი, სამოქალაქო რეესტრის სააგენტოდან საინფორმაციო ბარათი, ბავშვების დაბადების მოწმობების ასლები, მშობლების ქორწინების მოწმობის ასლი, ერთ-ერთი მშობლის საბანკო ანგარიში და სოციალური სააგენტოდან სარეიტინგო ქულის ამონაწერი.

გ) მძიმე საცხოვრებელ პირობებში მყოფი ოჯახების დროებითი თავშესაფრით უზრუნველყოფის პროგრამა - განცხადება, ცნობა, რომ ბენეფიციარს არ აქვს საცხოვრებელი ფართი, სივრცითი მოწყობისა და ინფრასტრუქტურის სამსახურის დასკვნა სახლის მდგომარეობის შესახებ, განმცხადებლის და საცხოვრებელი ფართის მეპატრონის პირადობის მოწმობის ან პასპორტის ასლი, განმცხადებლის სამოქალაქო რეესტრის სააგენტოდან საინფორმაციო ბარათი, ფართის მეპატრონის ამონაწერი საჯარო რეესტრიდან, ბენეფიციარსა და საცხოვრებელი ფართის მეპატრონეს შორის გაფორმებული ქირავნობის ხელშეკრულება და საცხოვრებელი ფართის მეპატრონის ბანკის ანგარიში.

დ) ომის მონაწილე ვეტერანებისა და მათი ოჯახების დახმარების პროგრამა- განცხადება, პირადობის მოწმობის ან პასპორტის ასლი, სამოქალაქო რეესტრის სააგენტოდან საინფორმაციო ბარათი, ცნობა სოციალური სააგენტოდან სარეიტინგო ქულის შესახებ, ვეტერანობის დამადასტურებელი მოწმობის ასლი, გარდაცვალების მოწმობის ასლი, საბანკო ანგარიში.

ე) მოსწავლეთა ტრანსპორტირების პროგრამა-მუნიციპალიტეტის მერსა და ა(ა)იპ ლანჩხუთის წმინდა იოანე ნათლისმცემლის სახელობის სასულიერო გიმნაზიის პრორექტორს შორის გაფორმებული შეთანხმების აქტი; პრორექტორის მიერ თანხის ყოველთვიური მოთხოვნა.

ვ) ცენტრ „იავნანას“ თანადაფინანსების პროგრამა - კომუნალური ხარჯების, ჰიგიენისა და ყოველდღიური მოხმარების საგნების თანხის კალკულაციის წარმოდგენა;

ზ) ბიკარბონატული ჰემოდიალეზით თირკმლის ქრონიკული უკმარისობით დაავადებულთა სამედიცინო დაწესებულებაში ტრანსპორტირების პროგრამა - განცხადება, ცნობა ჯანმრთელობის მდგომარეობის შესახებ ფორმა 100, ბენეფიციარის ან ოჯახის წევრის საბანკო ანგარიში და პირადობის მოწმობის ან პასპორტის ასლი, ბენეფიციარის სამოქალაქო რეესტრის სააგენტოდან საინფორმაციო ბარათი.

თ) იძულებით გადაადგილებულ პირთა დახმარების პროგრამა-განცხადება, პირადობის მოწმობის ან პასპორტის ასლი, დევნილის მოწმობის ასლი და საბანკო ანგარიში.

ი) სამკურნალო და საოპერაციო ხარჯებით დახმარების პროგრამა - ბენეფიციარმა ან მისმა ოჯახის წევრმა მუნიციპალიტეტში უნდა წარმოადგინოს: განცხადება; სამკურნალო დაწესებულების ანგარიშ-ფაქტურა და კალკულაცია; განმცხადებლის (პაციენტის) პირადობის მოწმობის ასლი (სამოქალაქო რეესტრის სააგენტოდან საინფორმაციო ბარათი); ცნობა სოციალური მომსახურების სააგენტოდან სარეიტინგო ქულის შესახებ(პროგრამით ისარგებლებენ 0-დან 150000 სარეიტინგო ქულის მქონე ბენეფიციარები); ცნობა ჯანმრთელობის მდგომარეობის შესახებ (ფორმა 100, დედანი); ცნობა დაზღვევის ფარგლებში დაფინანსების ოდენობის ან დაფინანსებაზე უარის თქმის შესახებ; ანაზღაურება მოხდება უნაღდო ანგარიშსწორების ფორმით, სამედიცინო დაწესებულების შესაბამის ანგარიშზე, გაწეული სამედიცინო მომსახურების დამადასტურებელი დოკუმენტის წარმოდგენის შემდეგ.

კ) მძიმე საცხოვრებელ პირობებში, უბედური შემთხვევისა და სტიქიური მოვლენების შედეგად დაზარალებული ოჯახებისათვის დახმარების პროგრამა -განცხადება, ბენეფიციარის ან ოჯახის წევრის საბანკო ანგარიში, პირადობის მოწმობის ან პასპორტის ასლი(სამოქალაქო რეესტრის სააგენტოდან საინფორმაციო ბარათი), სივრცითი მოწყობისა და ინფრასტრუქტურის სამსახურის დასკვნა სახლის მდგომარეობის შესახებ, შესაბამის ადმინისტრაციულ ერთეულში მერის წარმომადგენლისა და მაჟორიტარი დეპუტატის(საკრებულოს წევრის) შუამდგომლობა; „სოციალურად დაუცველი ოჯახების მონაცემთა ერთიან ბაზაში“ ოჯახისათვის მინიჭებული სარეიტინგო ქულის ამონაწერი; სსიპ „სოციალური მომსახურების სააგენტოს“ მიერ გაცემული შესაბამისი მიმართვა (ასლი) ან ცნობა; ბენეფიციარის საბანკო ანგარიში. გადაწყვეტილება მიიღება მერის ბრძანებით შექმნილი კომისიის მიერ.

ლ) ლანჩხუთის რეგიონალური ორგანიზაციის „გამარჯვებულ ქალთა კლუბის“ სარეაბილიტაციო პროგრამა მუშუს კიბოს დიაგნოზით ნაოპერაციები ქალებისათვის-ორგანიზაციის მიერ წარმოდგენილ პროგრამებზე გახარჯული თანხის კალკულაციის წარმოდგენა და საბანკო ანგარიში.

მ) ხანდაზმულ (100 და მეტი წლის ასაკის) პირთა დახმარების პროგრამა-განცხადება, პირადობის მოწმობის ან პასპორტის ასლი(სამოქალაქო რეესტრის სააგენტოდან საინფორმაციო ბარათი), ბენეფიციარის საბანკო ანგარიში.

ნ) უპატრონო მიცვალებულთა სარიტუალო მომსახურების პროგრამა-განცხადება, მერის წარმომადგენლისა და მაჟორიტარი დეპუტატის(საკრებულოს წევრის) შუამდგომლობა; გარდაცვალების მოწმობის ასლი, საბანკო ანგარიში.

ო) ერთჯერადი სოციალური (ფულადი) დახმარების პროგრამა- განცხადება, განმცხადებლის (ბენეფიციარის) პირადობის მოწმობის ან პასპორტის ასლი(სამოქალაქო რეესტრის სააგენტოდან საინფორმაციო ბარათი), ბენეფიციარის საბანკო ანგარიში, შესაბამის ადმინისტრაციულ ერთეულში მერის წარმომადგენლისა და მაჟორიტარი დეპუტატის(საკრებულოს წევრის) შუამდგომლობა; სსიპ „სოციალური მომსახურების სააგენტოს“ მიერ გაცემული შესაბამისი მიმართვა ან დასკვნა. მართხელა მშობლის სტატუსის დამადასტურებელი დოკუმენტი. გადაწყვეტილება მიიღება მერის ბრძანებით შექმნილი კომისიის მიერ.

პ) მედიკამენტების შეძენაზე დახმარების პროგრამა-განცხადება, განმცხადებლის (ბენეფიციარის) პირადობის მოწმობის ან პასპორტის ასლი(სამოქალაქო რეესტრის სააგენტოდან საინფორმაციო ბარათი), ცნობა სამედიცინო დაწესებულებიდან (ფორმა № IV-100/ა); სამედიცინო დაწესებულების/აფთიაქის მიერ სამედიცინო მომსახურების შესახებ გაცემული ანგარიშ-ფაქტურა; ცნობა სარეიტინგო ქულის შესახებ. (ომის ვეტერანები თავისუფლდებიან სარეიტინგო ქულის წარმოდგენისაგან) თანხა ჩაირიცხება შესაბამისი სამედიცინო დაწესებულების/აფთიაქის საბანკო ანგარიშზე, წარმოდგენილი ანგარიშ-ფაქტურის შესაბამისად. მუნიციპალიტეტის მერის ინდივიდუალური ადმინისტრაციულ

სამართლებრივი აქტის (ბრძანების) საფუძველზე. პროგრამით ისარგებლებენ ის ოჯახები რომელთა სარეიტინგო ქულა 65001-დან არ აღემატება 150000-ს. გადაწყვეტილება მიიღება მერის ბრძანებით შექმნილი კომისიის მიერ.

ჟ) შ შ მ პირის სტატუსის მქონე ბენეფიციართა სარეაბილიტაციო კურსის დაფინანსების პროგრამა-განმცხადებლის (ბენეფიციარის) პირადობის მოწმობის ან პასპორტის ასლი(სამოქალაქო რეესტრის სააგენტოდან საინფორმაციო ბარათი), ცნობა სამედიცინო დაწესებულებიდან (ფორმა № IV-100/ა) სამკურნალო დაწესებულების ანგარიშ-ფაქტურა. თანხა ჩაირიცხება შესაბამისი სამედიცინო დაწესებულების საბანკო ანგარიშზე, წარმოდგენილი ანგარიშ-ფაქტურის შესაბამისად. მუნიციპალიტეტის მერის ინდივიდუალური ადმინისტრაციულ-სამართლებრივი აქტის (ბრძანების) საფუძველზე.

გადაუდებელ შემთხვევაში, როდესაც აუცილებელია დახმარების გაცემა, მაგრამ დაყოვნებამ შეიძლება სავალალო შედეგები გამოიწვიოს, დახმარება შეიძლება გაიცეს სამსახურის დასკვნის გარეშეც, ლანჩხუთის მუნიციპალიტეტის მერის ლანჩხუთის მუნიციპალიტეტის მერიის სოციალური და ჯანდაცვის სამსახურის მთავარი სპეციალისტი **ლელა ცინცაძის**, განმარტებით სამკურნალო და საოპერაციო ხარჯებით დახმარების პროგრამაში შენიშვნის სახით არის მოცემული, რომ ისეთ განსაკუთრებულ შემთხვევებში, როგორცაა სასწრაფო (გადაუდებელი) სამედიცინო ოპერაციების, სასწრაფო (გადაუდებელი) სამედიცინო კვლევების თანადაფინანსება, ასევე არაპროგრამული რეფერალური მომსახურება უნაღდო ანგარიშსწორებით (ინვოისით წარმოდგენილი ასანაზღაურებელი თანხა არაუმეტეს 400 ლარისა) - რომელიც არ ჯდება მერიის თანადაფინანსების პროგრამაში, მერის ინდივიდუალური ადმინისტრაციული სამართლებრივი აქტით შესაძლებელია განხორციელდეს სარეიტინგო ქულის წარმოდგენის გარეშეც.

ფრაქციის წევრებმა აღნიშნეს, რომ მედიკამენტების შეძენაზე დახმარების პროგრამით სარგებლობა, ბენეფიციარის წარმოდგენილი ცნობა ჯანმრთელობის მდგომარეობის შესახებ (ფორმა № IV-100/ა) საფუძველზე უნდა მოხდეს და არ საჭიროებს სპეციალური კომისიის მიერ დამატებით განხილვას.

ფრაქციის თავმჯდომარემ ბესიკ კუპრაძემ კენჭი უყარა დადგენილების პროექტს:

მომხრე 10 , წინააღმდეგი არცერთი.

დღის წესრიგის მეორე საკითხი „ლანჩხუთის მუნიციპალიტეტის 2019 წლის სოციალური პროგრამების დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტი სხდომას გააცნო ლანჩხუთის მუნიციპალიტეტის მერიის სოციალური და ჯანდაცვის სამსახურის მთავარი სპეციალისტი **ლელა ცინცაძემ**, მან აღნიშნა, რომ მიმდინარე წელს დასამტკიცებლად წარმოდგენილია 16 სოციალური პროგრამა. ასევე პროექტში დეტალურად არის გაწერილი, თითოეული პროგრამის გაცემისა და მიღებისთვის საჭირო დოკუმენტაციის ჩამონათვალი: ა). მზრუნველობამოკლებულთა უფასო კვებით უზრუნველყოფის პროგრამა ბ). მრავალშვილიანი ოჯახების დახმარების პროგრამა; გ). მძიმე საცხოვრებელ პირობებში მყოფი ოჯახების დროებითი თავშესაფრით უზრუნველყოფის პროგრამა დ). ომის მონაწილე ვეტერანებისა და მათი ოჯახების დახმარების პროგრამა ე). მოსწავლეთა ტრანსპორტირების პროგრამა ვ). ცენტრ „იავნანას“ თანადაფინანსების პროგრამა; ზ). ბიკარბონატული ჰემოდიალიზით თირკმლის ქრონიკული უკმარისობით დაავადებულთა სამედიცინო დაწესებულებაში ტრანსპორტირების პროგრამა თ). იძულებით გადაადგილებულ პირთა დახმარების პროგრამა ი). სამკურნალო და საოპერაციო ხარჯებით დახმარების პროგრამა კ). მძიმე საცხოვრებელ პირობებში უბედური შემთხვევისა და სტიქიური მოვლენების შედეგად დაზარალებული ოჯახებისათვის ერთჯერადი დახმარების პროგრამა ლ).

ლანჩხუთის რეგიონალური ორგანიზაციის „გამარჯვებულ ქალთა კლუბის“ სარეაბილიტაციო პროგრამა ძეგლს კიბოს დიაგნოზით ნაოპერაციები ქალებისათვის- მ). ხანდაზმულ (100 და მეტი წლის ასაკის) პირთა დახმარების პროგრამა ნ). უპატრონო მიცვალებულთა სარიტუალო მომსახურების პროგრამა ო). ერთჯერადი სოციალური (ფულადი) დახმარების პროგრამა პ). მედიკამენტების შეძენაზე დახმარების პროგრამა ყ). შ შ მ პირის სტატუსის მქონე ბენეფიციართა სარეაბილიტაციო კურსის დაფინანსების პროგრამა.

ფრაქციის თავმჯდომარემ ბესიკ კუპრაძემ კენჭი უყარა განკარგულების პროექტს:

მომხრე 10 , წინააღმდეგი არცერთი.

დღის წესრიგის მესამე საკითხი „ლანჩხუთის მუნიციპალიტეტის 2019 წლის სოციალურ -კულტურული ღონისძიებების - განათლების ხელშეწყობის, კულტურის ღონისძიებების, სპორტული ღონისძიებების და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტი სხდომას გააცნო მერიის განათლების, კულტურის, სპორტისა და ახალგაზრდულ საქმეთა სამსახურის უფროსმა **ია ჩხაიძემ**. მან აღნიშნა, რომ ეს წესი არეგულირებს ლანჩხუთის მუნიციპალიტეტის ბიუჯეტის სოციალურ-კულტურული ღონისძიებების - განათლების ხელშეწყობის, კულტურის ღონისძიებების, სპორტული ღონისძიებების და ახალგაზრდობის მხარდაჭერის პროგრამების, დაფინანსების მიზნით გამოყოფილი თანხიდან განათლების, კულტურის და სპორტის სფეროში მოღვაწე წარმატებული ადამიანების დაჯილდოების, ინტელექტუალურ-შემეცნებითი, კულტურული და ახალგაზრდული პროექტების თანადაფინანსების წესს. წარმატებული სპორტსმენის, მწვრთნელის, ღვაწლმოსილი ვეტერანი სპორტსმენის დაჯილდოება:

1. წარმატებული სპორტსმენის ფულადი ჯილდოს ოდენობა განისაზღვროს შემდეგი სახით: ა) საქართველოს ჩემპიონატის I ადგილი – 400 ლარი, II ადგილი – 300 ლარი, III ადგილი – 200 ლარი; ბ) ევროპის ჩემპიონატის I ადგილი – 600 ლარი, II ადგილი – 400 ლარი, III ადგილი – 300 ლარი; გ) მსოფლიო ჩემპიონატის I ადგილი – 800 ლარი, II ადგილი – 600 ლარი, III ადგილი – 400 ლარი; დ) ოლიმპიური თამაშების I ადგილი – 1000 ლარი, II ადგილი – 800 ლარი, III ადგილი – 600 ლარი;

2. წარმატებული სპორტსმენის მწვრთნელის ფულადი ჯილდოს ოდენობა განისაზღვროს შემდეგი სახით: ა) საქართველოს ჩემპიონატის I ადგილი – 300 ლარი, II ადგილი – 200 ლარი, III ადგილი – 100 ლარი; ბ) ევროპის ჩემპიონატის I ადგილი – 500 ლარი, II ადგილი – 300 ლარი, III ადგილი – 200 ლარი; გ) მსოფლიო ჩემპიონატის I ადგილი - 600 ლარი, II ადგილი - 400 ლარი, III ადგილი - 300 ლარი; დ) ოლიმპიური თამაშების I ადგილი - 1000 ლარი, II ადგილი - 800 ლარი, III ადგილი - 600 ლარი;

3. წარმატებული გუნდის ფულადი ჯილდოს ოდენობა განისაზღვროს შემდეგი სახით: საქართველოს ოფიციალური ჩემპიონატის I-ადგილი 1000 ლარი, II-ადგილი 700 ლარი, III-ადგილი 500 ლარი.

4. ღვაწლმოსილი ვეტერანი სპორტსმენის ფულადი ჯილდოს ოდენობა განისაზღვროს საბიუჯეტო წლის მანძილზე ერთჯერადად გასაცემი თანხით 300 ლარის ოდენობით.

წარმატებული მოსწავლე/ახალგაზრდის დაჯილდოება:

1. წარმატებული მოსწავლე/ახალგაზრდის ფულადი ჯილდოს ოდენობა განისაზღვროს შემდეგი სახით: ა) საქართველოს მასშტაბით ფესტივალ-კონკურსებზე გამარჯვების შემთხვევაში I ადგილი - 100 ლარი; ბ) საერთაშორისო ფესტივალ-კონკურსებზე გამარჯვების შემთხვევაში I ადგილი - 200 ლარი;

2. მედია-პროექტის ფინალისტების ფულადი ჯილდოს ოდენობა განისაზღვროს შემდეგი ოდენობით: ა) მედია- პროექტის გამარჯვებული I ადგილი - 500 ლარი;

3. სკოლის ოქროსა და ვერცხლის მედალოსანი მოსწავლეების ფულადი ჯილდოს ოდენობა განისაზღვროს შემდეგი სახით: ა) ოქროს მედალოსანი მოსწავლე - 300 ლარი; ბ) ვერცხლის მედალოსანი მოსწავლე - 200 ლარი;

4. ერთიან ეროვნულ და საერთო სამაგისტრო გამოცდებზე მოპოვებული 100% გრანტის მფლობელთა ფულადი ჯილდო განისაზღვროს შემდეგი ოდენობით:

ა) ერთიან ეროვნულ გამოცდებზე მოპოვებული 100% გრანტის მფლობელი - 1 000 ლარი; ბ) საერთო სამაგისტრო გამოცდებზე მოპოვებული 100% გრანტის მფლობელი - 1 000 ლარი.

ხელოვნების სხვადასხვა ჟანრის ინდივიდუალური შემსრულებლების, ხელოვნების წარმომადგენლობების, შემოქმედებითი დასების ხელმძღვანელი პირების დაჯილდოება:

1. ხელოვნების სხვადასხვა ჟანრის ინდივიდუალური შემსრულებლების ფულადი ჯილდოს ოდენობა განისაზღვროს შემდეგი სახით: ა) საქართველოს მასშტაბით ფესტივალ-კონკურსებზე გამარჯვების შემთხვევაში I ადგილი ან/და საპატიო წოდების მინიჭება - 100 ლარი; ბ) საერთაშორისო ფესტივალ-კონკურსებზე გამარჯვების შემთხვევაში I ადგილი ან/და საპატიო წოდების მინიჭება - 200 ლარი;

2. ხელოვნების წარმომადგენლობების ფულადი ჯილდოს ოდენობა განისაზღვროს შემდეგი სახით: ა) საქართველოს მასშტაბით ფესტივალ-კონკურსებზე გამარჯვების შემთხვევაში I ადგილი ან/და საპატიო წოდების მინიჭება - 800 ლარი; ბ) საერთაშორისო ფესტივალ-კონკურსებზე გამარჯვების შემთხვევაში I ადგილი ან/და საპატიო წოდების მინიჭება - 1000 ლარი;

3. შემოქმედებითი დასების ხელმძღვანელი პირების ფულადი ჯილდოს ოდენობა განისაზღვროს შემდეგი სახით: ა) საქართველოს მასშტაბით ფესტივალ-კონკურსებზე გამარჯვების შემთხვევაში I ადგილი ან/და საპატიო წოდების მინიჭება - 100 ლარი; ბ) საერთაშორისო ფესტივალ-კონკურსებზე გამარჯვების შემთხვევაში I ადგილი ან/და საპატიო წოდების მინიჭება - 200 ლარი.

ინტელექტუალურ-შემეცნებითი, კულტურული და ახალგაზრდული პროექტების თანადაფინანსება ინტელექტუალურ-შემეცნებითი, კულტურული და ახალგაზრდული პროექტების თანადაფინანსების ოდენობა განისაზღვროს არაუმეტეს 1000 ლარისა.

დადგენილების პროექტი ფრაქციის წევრების მიერ მიღებულ იქნა შენიშვნების გარეშე.

ფრაქციის თავმჯდომარემ ბესიკ კუპრაძემ კენჭი უყარა დადგენილების პროექტს:

მომხრე 10, წინააღმდეგი არცერთი.

დღის წესრიგის მეოთხე საკითხი „ლანჩუთის მუნიციპალიტეტის 2019 წლის სოციალურ-კულტურული ღონისძიებების - განათლების ხელშეწყობის; კულტურის ღონისძიებების; სპორტული ღონისძიებების და ახალგაზრდობის მხარდაჭერის პროგრამების დამტკიცების შესახებ“ ლანჩუთის მუნიციპალიტეტის საკრებულოს განკარგულების პროექტი სხდომას გააცნო მერიის განათლების, კულტურის, სპორტისა და ახალგაზრდულ საქმეთა სამსახურის უფროსმა ია ჩხაიძემ. მან აღნიშნა, რომ განათლების, კულტურის, სპორტისა და ახალგაზრდულ საქმეთა სამსახურის საქმიანობის გამარტივებისა და შედეგიანობის ამაღლების მიზნით მიზანშეწონილი იქნება, თუ წარმოდგენილი პროგრამა დამტკიცდება საკრებულოს მიერ განკარგულებით. პროექტში თითოეული პროგრამისა და ქვეპროგრამის მიზნობრიობა დეტალურადაა გაწერილი:

1. განათლების ხელშეწყობის პროგრამა. ა) ინტელექტუალური და შემეცნებითი პროექტების თანადაფინანსების ქვეპროგრამა. ბ) განათლების სფეროში მოღვაწე წარმატებული ადამიანების წახალისების ქვეპროგრამა. გ) ტრანსპორტირების ქვეპროგრამა.

2. კულტურული ღონისძიებების პროგრამა ა) კულტურული ღონისძიებების ორგანიზების ქვეპროგრამა. ბ) კულტურისა და ხელოვნების სფეროში მოღვაწე წარმატებული ადამიანებისა და შემოქმედებითი კოლექტივების წახალისების ქვეპროგრამა. გ) ტრანსპორტირებით დახმარების ქვეპროგრამა. დ) კულტურული მემკვიდრეობის დაცვისა და შენარჩუნების ქვეპროგრამა. ე) კულტურული პროექტების თანადაფინანსების ქვეპროგრამა.

3. სპორტული ღონისძიებების პროგრამა. ა) საჩუქრების და პრიზების შეძენის ქვეპროგრამა. ბ) წარმატებული, ახალგაზრდა, ვეტერანი და ღვაწლმოსილი სპორტსმენებისა და მწვრთნელების წახალისების ქვეპროგრამა. გ) ახალგაზრდული სპორტული ტურნირების მხარდაჭერის ქვეპროგრამა. დ) სასკოლო სპორტული ოლიმპიადის და სპორტი ბარიერების გარეშე ჩატარების ქვეპროგრამა. ე) ტრანსპორტირებით მხარდაჭერის ქვეპროგრამა.

4. ახალგაზრდობის მხარდაჭერის პროგრამა ა) ახალგაზრდული პროექტების თანადაფინანსების ქვეპროგრამა. ბ) შ შ მ ახალგაზრდების საზოგადოებაში ინტეგრაციის ქვეპროგრამა.

ლანჩხუთის მუნიციპალიტეტის მერიის განათლების, კულტურის, სპორტისა და ახალგაზრდულ საქმეთა სამსახურის უფროსმა ია ჩხაიძემ განმარტა, რომ კულტურის ღონისძიებების პროგრამაში ჩართეს ახალი მოცემულობა- „ ლანჩხუთობის სახალხო დღესასწაული“-ს აღნიშვნა, სადაც წარმოჩენილი იქნება მთელი მუნიციპალიტეტი თავისი ადმინისტრაციული ერთეულებით. დღესასწაული ჩატარდება ოქტომბრის თვის მეორე ნახევარში და ჩამოვლენ ლანჩხუთიდან წასული წარმატებული ადამიანები. ტრადიციული „ლელო“-ს დღესასწაული ჩვეულ რეჟიმში გაგრძელდება. ასევე არის რეგიონალური ფესტივალი „ბახმარო სანსეტი“, რომელიც შარშან ჩატარდა და იყო ძალიან შთამბეჭდავი. ასევე მან აღნიშნა, რომ თუ კი იქნება თანხა გამოყოფილი რომ აღდგეს სახალხო დღესასწაული „ ეგნატეობა“, რომელიც მუნიციპალიტეტში წლების განმავლობაში აღინიშნებოდა ცუდი არ იქნება.

განკარგულების პროექტი ფრაქციის წევრების მიერ მიღებულ იქნა შენიშვნების გარეშე.

ფრაქციის თავმჯდომარემ ბესიკ კუპრაძემ კენჭი უყარა განკარგულების პროექტს:

მომხრე 10 , წინააღმდეგი არცერთი.

სხვადასხვა

დეპუტატმა ციცილო ჩხაიძემ აღნიშნა, რომ გენდერულ საბჭოს გამართული მუშაობისთვის ესაჭიროება სპეციალისტი, რომელიც მერიის მხრიდან უნდა დაინიშნოს. ასევე მან აღნიშნა, რომ აუცილებლად უნდა გადაიხედოს ა(ა)იპ-ების შტატები, რადგან რამდენიმე ა(ა)იპ-ში არის დასაქმებული ადამიანი, რომელიც პარალელურად მუშაობს სხვა დაწესებულებაში.

ციცილო ჩხაიძემ აღნიშნა, რომ თავისუფლების ქუჩის 1 ჩიხის მოსახლეობა ითხოვს გზის მოკლე მონაკვეთის დაგებას, რომლის სიგრძეც არ აღემატება 100 მეტრს, უამინდობის დროს იფარება საცხოვრებელი ეზოები, აუცილებელია აღნიშნული პრობლემა მოწესრიგდეს უახლოეს პერიოდში.

დეპუტატმა გოდერძი ქურიძემ აღნიშნა, რომ მაჩხვარეთის ბაღის მეორე მხარეს საჭიროა გაკეთდეს 100 მეტრი სიგრძის სანიაღვრე არხი.

დეპუტატმა დათო ჩხარტიშვილმა აღნიშნა, რომ გაკეთებული გზები ხშირ შემთხვევაში ზიანდება მძიმე ტექნიკის მიერ, ასევე შესრულებული ინფრასტრუქტურული პროექტები არის უხარისხო და დამოუკიდებელი ექსპერტის დასკვნა ხშირად სადავოა.

დეპუტატმა რეზო კვაჭაძემ აღნიშნა, რომ სუფსა-ჩოჩხათის დამაკავშირებელი გზის მონაკვეთზე კერძოდ სოფელ ჩქუნის გზა არის დაზიანებული და აუცილებელია დროულად მისი რეაბილიტაცია.

დეპუტატმა კახა ბოლქვაძემ განაცხადა, რომ ჟორდანიას ქუჩის საცალფეხო ბილიკის ნაწილი არის მოსაწესრიგებელი, რადგან სკოლის პერიოდში მოსწავლეები ვერ გადაადგილდებიან მასზე და ხშირად უწყვეტ ცენტრალური გზით სარგებლობა, რაც საფრთხის შემცველია.

დეპუტატმა ვლადიმერ ნანაძემ განაცხადა, რომ ქალაქის ადმინისტრაციული ერთეულის ტერიტორიაზე არსებული თავისუფლებისა და თბილისის ქუჩები არის ავარიულ მდგომარეობაში, დაზიანებულია ასფალტის საფარი, მოუწესრიგებელია ფეხით მოსიარულეთა სავალი ნაწილი, სანიაღვრე არხები. საკითხი საჭიროებს დროულ რეაგირებას.

თავმჯდომარე ბესიკ კუპრაძემ განაცხადა, რომ სუფსა-წყალწმინდის დამაკავშირებელი გზის მონაკვეთზე სადაც სუფსისა და ღრმაღელისა თემი ერთმანეთს უკავშირდება დაზიანებულია გზის საფარი ნაწილი, უამინდობის დროს ვერ ხერხდება გადაადგილება, სასწრაფო დახმარების მანქანას უჭირს მისვლა გამოძახებაზე. ამ გზის რეაბილიტაცია (ბეტონის გზის გაკეთება) ადგილობრივი სახსრებით ვერ მოხერხდება, რადგან საკმაოდ დიდ თანხებთან არის დაკავშირებული. რამდენჯერმე მოხდა გრეიდერის მიერ გზის საფარის გასწორება, თუმცა მხოლოდ მცირე დროით მოგვარდა პრობლემა. ინფრასტრუქტურული პროექტების შესრულების საკითხის გამოსასწორებლად საჭიროა შპს „რეალ-ექსპერტი“-ს ხელშეკრულების დეტალურად განხილვა, რომ გაირკვეს ისინი რა კრიტერიუმებით იბარებენ ჩატარებულ სამუშაოებს. ასევე, რა ფუნქცია ეკისრება ამ დროს მერიის შესაბამის სამსახურებს.

დეპუტატმა ზაალ სანაძემ აღნიშნა, რომ ს ფ ფ-ის სკოლების კატეგორიზაციის დებულებები მოითხოვს საფეხბურთო სკოლის, როგორც დამოუკიდებელი იურიდიული სტატუსის მქონე ორგანიზაციის არსებობას ან გაწევრიანებას, რომელიმე საფეხბურთო კლუბის იურიდიულ სტრუქტურაში. მისი სხვა ორგანიზაციის („სპორტული ცენტრი“) იურიდიულ სტრუქტურაში ყოფნის შემთხვევაში არ განიხილება სკოლისათვის პირველი და მეორე კატეგორიის მინიჭება, რაც გამოიწვევს ფინანსურ თუ სხვა დახმარების დაკარგვას. ასევე სკოლის ბიუჯეტით გათვალისწინებული პროექტების ჩავარდნას. ს ფ ფ დაინტერესებულია საფეხბურთო სკოლისთვის კატეგორიების მინიჭებით, რათა 2018-2019 წლებში გათვალისწინებული ფინანსური და სხვა მატერიალურ ტექნიკური დახმარების აღმოჩენა შეძლონ, რაც ავტომატურად ხელს შეუწყობს ბავშვთა ფეხბურთის განვითარებას რეგიონში. მისი თქმით, თხოვნაა შუამდგომლობა გაუწიოს ფრაქციამ „ქართული ოცნება დემოკრატიული საქართველო“ ლანჩხუთის მუნიციპალიტეტის მერიასა და საკრებულოში, რათა მოხდეს საფეხბურთო სკოლის დამოუკიდებელ ა(ა)იპ-ად ფუნქციონირება.

ლანჩხუთის მუნიციპალიტეტის მერმა ალექსანდრე სარიშვილმა განაცხადა, რომ გენდერული საბჭოს სპეციალისტის დანიშვნის საკითხზე მუშაობს და უახლოეს მომავალში მოხდება ამ პრობლემის მოგვარება. რაც შეეხება ა(ა)იპ-ებს უახლოეს დღეებში მერიაში შემოვა საკითხი მათი სამტატო ნუსხის შესახებ და

განხილვის შემდეგ დამტკიცდება. მისი თქმით სუფსა- წყალწმინდის დამაკავშირებელ გზაზე არსებულ მძიმე მდგომარეობას იცნობს, ინფრასტრუქტურის მინისტრთან ერთად ადგილზე გაეცნო საკითხს. აღნიშნული მონაკვეთის რეაბილიტაცია 3 მილიონ 100 ათასი ლარის ღირებულებისაა რაც ადგილობრივი სახსრებით ვერ მოხერხდება. მიმდინარეობს აქტიური კონსულტაცია გზების დეპარტამენტისა და მუნიციპალური განვითარების ფონდის ხელმძღვანელთან. რაც შეეხება ქალაქის ტერიტორიაზე მოსაწესრიგებელ გზებს გასულ წელს ლანჩხუთის მუნიციპალიტეტის საკრებულომ გამოყო 100 ათასი ლარი გზების მოწესრიგებასა და მოვლა პატრონობაზე, დარჩენილია 49 ათასი ლარი, გამოცხადდება ტენდერი ამ თანხაზე, პროექტს გააკეთებს ინფრასტრუქტურის სამსახური და მოწესრიგდება ქალაქის ტერიტორიაზე გზები (წერტილოვანი ასფალტი, ორმოვანი შეკეთება).

ამით ფრაქციის სხდომამ მუშაობა დაასრულა

ლანჩხუთის მუნიციპალიტეტის
საკრებულოს ფრაქცია
„ქართული ოცნება-დემოკრატიული
საქართველოს“ თავმჯდომარე:



ბესიკ კუპრაძე

ლანჩხუთის მუნიციპალიტეტის საკრებულოს „ქართული ოცნება - დემოკრატიული საქართველოს“ ფრაქციის წევრები

სარეგისტრაციო ფურცელი
22.01.2019 წელი 14:00 საათი

სახელი, გვარი	დრო	ხელმოწერა
1. თავმჯდომარე – ზესიკ კუპრაძე	13:57	
2. ზესიკ ტაბიძე	13:58	
3. ვლადიმერ ნანაძე	13:55	
4. გოდერძი ქურიძე	13:55	
5. კახა თედორაძე	-	ს. ხ. ესტუმოძე
6. რეზო კვაჭაძე	13:55	
7. ციციხო მზაიძე	13:59	
8. ზაალ სანაძე	13:59	
9. გიორგი ჩახვაძე	შვებენი	
10. გიორგი გვარჯალაძე	13:56	
11. დავით ჩხარტიშვილი	14:02	
12. თორნიკე ტიკაძე	-	ს. ხ. ესტუმოძე
13. კახა ბოლქვაძე	13:57	
14. რევაზ კვერენჩილაძე	-	ს. ხ. ესტუმოძე